

中 華 民 國 三 年 一 月 十 號
行 政 公 署 政 報 處 發 行

湖 南 政 報



本 報 價 目

一 本報按照陽歷每日出報一本
一 每分每月收回大洋六角
一 零售每分銅元三枚

一 外埠購報郵費以購報之多寡酌加
一 夫役送報如有遺漏請即函告以便補發

長沙育嬰街宏文社印刷

目錄

命令

省令

都督兼民政長令 十七則

公電

本省發電

都督兼民政長致 國務院電

都督兼民政長致南京馮都督電

都督兼民政長致上海湖南學會電

都督兼民政長致 教育部電

中央來電

國務院致都督兼民政長電

教育部致都督兼民政長電

各省來電

旅滬湖南學會呈 都督兼民政長電

公文

都督兼民政長致 農林部函

都督兼民政長致 財政部函

都督兼民政長致國稅廳籌備處函

專件

湖南省二年度地方預算參考書式 續

命令

大總統令

饒景華給予二等文虎章此令

任命胡仁源署北京大學校校長此令

據廣東都督龍濟光電稱統領陳均義在陽春破獲亂黨機關一起搜出天命一黨粵支部委任狀鐵印大旗令旗簿據等件又獲偽總司令兼參謀陸金波一名供稱已入統一黨改名鎮漢利用該黨名義組織天命一黨又有練兵在北濟附近擊斃亂黨多名搜出亂黨通函多件中有總機關來信南軍急欲舉事孫文黃興近月即到廣東要各路英雄約集軍隊合攻省城之語又靈山土匪爲亂黨煽動勢頗猖獗經軍隊分途搜剿匪始潰散化縣土匪亦被亂黨勾通約期舉事經軍隊協剿連日鏖戰斃匪多名奪獲槍械甚夥副營長李友恭奮勇擊賊中彈陣亡等語該逆黨假借黨會勾煽土匪蓄意破壞擾亂治安實堪痛恨該統領等破獲迅速勦辦得力良用嘉獎所有在事出力人員着該督查明呈請獎叙李友恭擊匪殞命殊深惋惜應交陸軍部從優議卹以示褒憫該督仍即督飭各屬查緝亂黨嚴勦土匪悉力懲治務絕根株用副禁暴安良之意此令

兼代陸軍總長周自齊呈請任命鄭俊彥爲陸軍騎兵第一旅第二團團長應照准此令

領參謀總長事黎元洪呈請任命賈文祥爲福建鎮守使署參謀長應照准此令

兼代陸軍總長周自齊呈請授孫洞環爲陸軍一等軍醫正宋忠鈺爲陸軍二等軍醫正傅延弼爲陸軍一等軍需應照准此令

兼代陸軍總長周自齊呈請授陳文星何株榮爲陸軍步兵上校馬英萃白鈺堂徐天成申明善爲陸軍步兵中校馮占元爲陸軍騎兵中校許玉峯爲陸軍砲兵中校韓誠紀鳳鳴張清山爲陸軍步兵少校陳明孝安玉昌王應標李大智陳光魁張培榮李鴻達崔鳳樓張景愈平玉魁趙世榕爲陸軍步兵上尉王樓棠安登瀛梁得勝王玉歧傅耀斗王義德王國棟楊光哲張奎選高玉田葛春榮孫福全李恩重爲陸軍步兵中尉應照准此令

國務總理熊希齡內務總長朱啓鈴呈據湖北民政長饒漢祥呈稱總務處科長吳耀椿技正高建鏞童聲內務司科長李殿香技正馬鏗鳴鄧文榮財政司科長王岳燿張人荃教育司科長余德元楊昌壽技正羅樓衡實業司科長張繼業姚龍光技正紫閱祝長慶楊德棻或已有差委或另候委用均請免去本官等語應照准此令

內務總長朱啓鈴呈據兼甘肅民政長張炳華轉據甘肅省城警察廳長楊丙榮呈稱秘書劉傳綸科長王克仁呈請辭職劉傳綸王克仁均准免本官此令

國務總理熊希齡內務總長朱啓鈴呈據雲南民政長李鴻祥呈稱教育司科長張鑫因病呈請辭職張鑫准免本官此令

國務總理熊希齡內務總長朱啓鈴呈據吉林民政長齊耀琳呈稱財政司科長方尙義另有

差委請免去科長本官等語應照准此令

國務總理熊希齡內務總長朱啓鈴呈據新疆民政長楊增新呈稱署阿克蘇縣知事王陽晞呈請辭職王陽晞准免本官此令

國務總理熊希齡內務總長朱啓鈴呈據陝西民政長高增爵呈稱朝邑縣知事劉在霄呈請辭職劉在霄准免本官此令

兼代陸軍總長周自齊呈核覆青州副都統擬以壽桐來德榮康補防禦請予准補等語應照准此令

中華民國三年一月五日



省令

都督兼民政長訓令

令益陽縣知事

實業司案呈案奉本兼民政長令開案據益陽商民李源順等呈李大勛等串合程宗道等假設茶商轉運公司卡勒船戶一案等情據此除批卷查此案前據該縣行政廳查明該民等領帖開設船行西廣湘三幫茶商呈准設局轉運袁常毅等復組合茶商轉運公司呈准開辦三方鼎立積久相持呈經譚前督批飭實業司核辦在案究竟該行商等及轉運局轉運公司應否准其同時存在案經批司仍候令行實業司查酌情形分別核辦具報此批掛發外爲此令行該司即便查照前經批飭酌量情形分別核辦具報此令等因奉此查李大勛等所設茶商轉運公司迭經船行船戶茶商具控均經明白批示在案又查本前司於二年四月八日暨四月十三日批西廣湘三幫控案本有將該公司封閉及勒令取消等語該縣知事前次呈復亦語涉模稜並無一定辦法嗣後未據商民等續行具控意已和平解決茲據李源順等具呈各情其中輾轉尙多該公司雖經立案照公司律類分四種該公司究竟應列何種股分若干每股銀若干均未詳細聲明究係如何情形應再飭該縣知事確切查明妥籌辦法呈覆核奪等情由司呈請核示前來爲此令仰該縣知事即便遵照確查該行商等應否同時存在從速具報毋稍含混此令

湖南民
政長印

中華民國三年一月六日

都督兼民政長指令

令醴陵縣知事

實業司案呈奉本兼民政長令開案據醴陵商劉桂卿稟林藹等違法攘稅假造關防懇委澈究等情到署據此查該縣附加土硝捐前據縣商熊長貴來署指控當經批飭該司查辦在案茲據呈前情除批查該縣附加土硝捐屢釀糾葛據呈各情候令實業司歸入熊長貴案內一併查核酌辦具覆核奪此批挂發外合行令仰該司即便遵照併入熊長貴案內分別查明妥酌辦理具復察奪此令等因奉此查醴陵商劉桂卿於元年六月因與黃宗周等互控經該縣知事查實該商假冒官硝懸旗設局呈准本司取消有案至熊長貴呈控葛奉先違法兇擄一案前據該縣知事查復實係捏詞架誣并查明該硝戶平日不法行爲當經本司批飭將熊長貴硝戶取消并將辦理情形呈請察核在卷茲奉前因劉桂卿呈控林藹等各情是否藉圖翻案抑或實有其事應候令飭該縣知事澈查呈復核奪等情呈請核辦前來合行令飭令到該縣即便遵照查明具復以憑核辦此令

湖南民

政長印

中華民國三年一月六日

都督兼民政長指令

令沅江縣知事

案據該知事呈會勘白駝寺一案到府據此查此案前據漢壽縣知事呈稱十月十三號與沅邑知事勘明該寺確係漢管會同澈訊斷令僧產仍歸僧管取結了案至該寺地點因沅邑白堡自治踞寺不出專以沅江縣志載有此寺爲憑難以口舌相爭事關縣際交涉知事未便遽令白堡自治遷出是以暫擱未結等情當經據呈批行內務司轉飭該縣知事諭令白堡自治公所遷移在案茲閱來呈查此案既據兩縣知事會勘自必確定疆界乃該知事等來文仍復情詞各執殊難索解究竟當日如何會勘白駝寺應屬何縣何以於勘明之後又復發生異議除委員會同該兩縣知事覆勘明確會銜呈候核定以憑飭遵外爲此令仰該縣知事即便遵照此令

湖南民

政長印

中華民國三年一月六日

都督兼民政長訓令

令各軍隊

爲通行事案准陸軍部咨開奉 大總統令軍興以來各地方秩序未寧爲暫時維持之計或有資於軍事裁判今司法已設專官軍民亦均分治自宜劃清界限尊重法權乃昨據陸軍部呈稱山西河東鎮守使董崇仁有收受人民張拱娃控訴案件及審理該處檢察長閻秉真家吸煙情事請按照陸軍懲罰令第四十八條三十一款誤用職權之犯行從嚴申誠等情應由該部傳令申誠並通令京外各軍隊長官務宜恪遵軍紀毋得誤用職權妄事干預此令等因奉此除令行該鎮守使董崇仁遵照外相應咨行查照轉飭所屬一體遵守須知尊重法權爲立國大本此次該鎮守使董崇仁誤用職權原係從輕辦理自此次通令之後如敢故蹈覆轍致涉侵越定即嚴行懲處決不寬貸此咨等因准此除咨復遵照外合行令仰該□□一體遵守慎勿侵越職權致干懲處切切此令

湖南都督之印

中華民國三年一月七日

都督兼民政長指令

令辰谿縣知事電

實業司案呈奉本兼民政長批據本司呈覆遵令核辦屠叔平捲款逃逸請電飭會同辰谿知事取消公司嚴拿屠叔平懲辦一案奉批呈悉礦務歸該司職管已有畫一權限章程第五區前該司令另派開採專員顯與定章不合自應即予取消仰該司即轉行辰谿縣知事查明該公司共收過礦稅若干該收支屠叔平捲逃款項若干迅速呈覆核辦屠叔平一犯併即分飭嚴緝楊嶽鍾應着該知事暫令羈候俟屠叔平就獲訊明捲逃實在情形了清經手始准脫離關係併即遵照辦理爲要此繳等因奉此正遵奉間適值合署辦公呈請核辦前來合行令飭令到該知事即便遵照前批辦理此令

湖南民
政長印

中華民國三年一月七日

都督兼民政長指令

令衡陽縣知事

案據該知事呈明財政虧欠情形擬定明年確守預算案設法彌補俟的款籌定即將元年田賦欠欸如數掃解等情據此查該縣因公虧欠各欸數達七八萬串之多實屬駭人聽聞所有元年田賦能否准俟籌定的欸再行掃解既據分呈應候國稅廳籌備處審計分處查核示遵合行令仰該知事即便遵照督同主管科員嗣後對於支出各欸務須確守預算認真考核期於收支適合毋

再率意濫支是爲至要此令

湖南民
政長印

中華民國三年一月九日

都督兼民政長指令

令桑植縣知事

案據該知事呈遵令查明學校基金多爲借戶吞沒積穀義穀亦爲強豪虧欠請准押迫勒繳等情據此查該縣昔年開辦高等小學校集捐巨萬借發城鄉各戶作爲基金何以當時不擇攷殷實紳商以致積年侵損至積穀義穀均爲備荒要需何以任令虧欠各前知事迄無查究來呈擬請澈底清查嚴行追繳自屬正辦仰即切實追查凡有侵虧立予押繳無稍徇縱總期學款倉儲兩有著落合行令仰該知事即便遵照辦理此令

湖南民
政長印

中華民國三年一月九日

都督兼民政長訓令

令衡山縣知事

案據衡山兜率寺住持僧普園呈稱僧悟道等盜賣盜買懇究辦等情據此除批兜率寺既係歷朝古刹理應保存據呈邊憲串同僧悟道盜買寺產是否屬實候令行衡山縣知事查明核辦此批掛發外合行令仰該縣知事遵批辦理此令

湖南民
政長印

中華民國三年一月九日

都督兼民政長訓令

令長沙縣知事

案據長沙永明寺僧林月等呈自治所余荷生等假凶勒肥懇追究等情據此除批永明寺產如係僧人私有即不能提充自治經費候令行長沙縣知事查明該寺產公私性質分別辦理此批掛發外爲此令仰該縣知事即便遵批辦理切切此令

湖南民
政長印

中華民國三年一月九日

都督兼民政長指令

令新化縣知事

案據該知事呈復周紹斌等以倚勢強佔事具控財產管理處管理員曾繼鄂等一案遵查演武廳房屋縣志載係晏啓澤集同人倡捐實係閩邑公產先由集英會人經收去歲縣議會議決由縣有財產管理處掌管并無侵奪情事呈請銷案等情到署據此應准如呈銷案仰即知照此令

湖南民

政長印

中華民國三年一月九日

都督兼民政長訓令

令平江縣知事

案據該縣昌義鄉黃崇熙等呈江信齋蹂躪昌義鄉補助費懇飭照丁給領等情據此除批該縣自治教育補助費係由縣議會提議抽捐分撥現在自治會雖經暫時解散而教育一項仍當繼續進行該昌義鄉如果辦學有成自應一律給發以維公益候令行平江縣知事查明核辦此批掛發外爲此令行該縣知事即便查照辦理此令

湖南民

政長印

中華民國三年一月九日

都督兼民政長指令

令城步縣知事

案據該知事呈遵令調查穀米商由縣議會議決備荒簡章轉呈請示等情據此查本兼民政長前次通電飭查各縣人口多寡穀米盈絀原爲預防來歲春荒起見該縣各鄉未必無固有團體分任調查但須一紙令行即可尅期蒞事乃輒徇議會之請多立局所分派員紳徒開巧取之端無裨備荒之實措置實屬荒謬合行令仰該知事即便遵照將各鄉各局董名義立即取消一面按照本兼民政長前電切實調查該縣穀米情形有餘則准予流通不足則預籌接濟迅速妥爲辦理具覆核奪以重民食毋稍飾延切切此令

湖南民
政長印

中華民國三年一月九日

都督兼民政長指令

令衡陽縣知事

案據該知事呈遵令查明該廳科員尙無侵蝕不法實據並書吏李炳樑等強佔公署一案酌量辦理覆請核示等情據此查裁撤書吏收歸科房各縣行政廳均經遵奉前督通令辦理該縣書吏李炳樑等何得盤踞科屋把持卷宗延抗至年餘之久猶敢捏詞上訴意圖推倒四科

實屬刁狡已極既據將舊有案卷搬移到廳仰即督飭科員保存清理並勒令該書吏等依限遷出收屋歸公毋任違延以清積弊而肅政地至所控該廳科員侵蝕不法各節既據查無實據應免置議爲此指令該知事即便遵照妥爲辦理此令

湖南民
政長印

中華民國三年一月九日

都督兼民政長指令

令新寧縣知事

案據該知事呈准陳法官咨該縣商務分會電呈警務長何金鑄等干涉國慶祝典一案經縣議會證明尙無阻撓破壞情事應免除刑事處分等情轉呈到署據此查何金鑄等既據該縣法官查明免除刑事處分應准銷案合行令仰該知事即便查照此令

湖南民
政長印

中華民國三年一月九日

都督兼民政長訓令

令華容縣知事

案據該縣學生張寅等呈請劃分該縣固有教育財產另設專員管理等情據此除批呈悉所請劃清該縣固有教育財產界限另設專員管理一節是否可行仰候令行華容縣知事就近斟酌情形具覆核奪此批掛發外合行令仰該縣知事即便查明具覆核奪此令

湖南民

政長印

中華民國三年一月九日

都督兼民政長訓令

令長沙縣知事

案據長沙伏龍鎮興國寺僧妙慧僧荷擔等呈余荷生等強提勒索懇追還等情據此除批興國寺是否僧徒私建照章應否發還候令行長沙行政廳查明性質分別辦理此批掛發外合行令仰該縣知事即便查明照章核辦此令

湖南民

政長印

中華民國三年一月九日

都督兼民政長指令

令郴縣知事

案據該知事呈明張繼盛等電控該縣議會議長及知事民財兩科吞歛附逆一案詳情請核示等情到署據此查張繼盛曹游龍等前以該知事威嚇解散該民等清算財政等情聯名呈控到署當經批示並令行該知事會同接任知事清算明白實究虛坐分別核辦會覆核奪去後尙未據具覆前來茲據前情曹游龍張繼盛陳肇麟等如確有遇事生風架詞妄控情節應俟該縣新任知事到日將此案另文移交詳晰澈查另案呈覆再行核奪合行令仰該縣知事即便遵照辦理此令

湖南民
政長印

中華民國三年一月九日

公電

本省發電

都督兼民政長致 國務院電

北京 國務院鑒虞電悉查此案前准院民政長二年十二月初七日咨開奉國務院訓令開據印鑄局呈倪兼民政長電請頒發安徽民政長印安徽行政公署內務司長之印安徽行政公署財政司長之印等因業經照案鑄就呈請頒發等情令行照領其內務司長財政司長兩印并由該民政長分別頒發等因遵已啓用轉發等語分咨到湘是各司長在行政公署當然有印湘省此次公署成立所請頒鑄各司長之印即係按照安徽最近成案具陳誠以各司在未合署以前對外之印係用某司印非司長印既經併入公署司長僅係對內原有司印已不適用故援案特請頒鑄行政公署各司司長之印前電俱在文義瞭然茲奉電示詫悚殊常同署辦公各司無對外名義凡具恒識莫不聞知薌銘僭附執政之末粗諳立法之旨現湘行政公署自本年一月三日成立以後所有對外事項均係以民政長名義執行四司對外名義亦即同時銷止前電既爲根於院案是否即爲尊電所云小印未敢臆度湘省歷未奉到關於此案院頒法令此次所請尙係旁徵博引據以上聞原電並無對外之說案既有徵理似無謬貴院總秉國成中外具瞻布教樹聲式昭模楷薌銘謬膺重寄指臂相須深冀左提右挈共濟艱難持大搏宏時予政畧奉揚明德豈獨區區湘都督兼民政長湯薌銘庚印

都督兼民政長致南京馮都督電

南京馮都督鑒據旅滬湖南學會齊電稱奉漾電已呈馮督欸仍無着請火電將上海銀行任委員所存允撥本會之二千四百元速交救濟等語查此案前據該學會電呈當經飭令就近呈請尊處轉飭酌核辦理在案據電前情仍請飭令白副官查明有無此項存款能否分濟就近呈候我公核示遵辦深紉公誼湯鄉銘佳印

都督兼民政長致上海湖南學會電

上海湖南學會齊電悉已請馮都督轉飭白委員查明核辦矣都督兼民政長湯佳印

都督兼民政長致教育部電

北京 教育部鑒齊電敬悉馮天柱經湘前督譚於二年二月十二日派送德國該生恐川資不敷曾向前教育司預支學費洋二百元自願年內扣清前教育司曾函德使照辦至改派留法查僅據十月內鄭人康等由北京函請並未換給咨文該生是否抵法亦未據何項報告湯鄉銘叩灰印

中央來電

國務院致都督兼民政長電

長沙湯都督卅一電悉同署辦公各司長向無對外關係毋庸頒發印信前奉天民政長呈請將司印鑄銷業經照准湘省應一律照辦不必再鑄司長印信由局鑄小印頒發可也希即知照國務院虞印

教育部致都督兼民政長電

長沙都督鑒留法學生馮天柱是否係貴省所派何時咨送何時出發曾否預付學費均盼電復教育部齊印

各省來電

旅滬湖南學會呈都督兼民政長電

長沙湯都督鑒奉漾電已呈馮都督欸仍無着坐以待斃請火電馮都督令將上海湖南銀行任委員所存扣允許撥交本會之二千四百元速交本會救濟生死存亡全賴都督維持救難仁德霽滬均沾被難學生迫切哀懇旅滬湖南學會公叩齊



公文

都督兼民政長致 農林部函

逕啓者案據湖南財政司呈稱案奉令開准 農林部咨覆轉據湖南省農會呈請報部備案一案內開查該會簡章第二十八條經費收入項下有本省出口穀米附加捐此項捐款是否業由行政官廳核准有案應飭查明等因轉行到司奉此查該會所稱出口穀米附加捐即係前清開辦米捐附收農會捐一項原屬有案可稽至於抽捐標準係每米一石附收捐錢十文穀每石收錢五文專充該會經常費用上年弛禁亦曾繼續抽收原因該會常年經費無着而穀米收捐又與該會有密切關係故也所有查明本省出口穀米附捐充作農會經費各緣由理合呈覆鈞府轉咨 農林部施行等情到署據此本兼民政長復查無異相應據情函復大部請煩查照此致

農林部

都督兼民政長致 財政部函

逕啓者案准湖南高等審判廳公函內開頃准貴署函發 財政部佳電內開貴省二年七月起每月實支司法費若干其各級審檢廳所暨各地監獄已成立者若干處希即查明電復爲盼等因到廳查湖南省自二年七月起至十一月止計高等地初各級審檢廳二十五處各級司法署五十五處舊監分監七十九處看守所二十五處每月實支司法費共計銀十二萬四

千五百一十三元零三分至十二月分司法費現正遵照部案裁併變更修改未妥謹此奉告容俟續聞即祈電復實緝公誼此致等因准此相應函達 大部請煩查照此致
財政部

都督兼民政長致國稅廳籌備處函

逕啓者案奉 內務部訓令第九八七號准財政部函開據塞北稅釐徵收局呈稱孔師長電迫發騎兵營四個月薪餉又歸綏觀察使轉發巡警經費紛紛催解但迭奉部令稅款非隨時電請部示不得擅動自應謹遵但軍官恃有武力各局員種種困難情形均請示辦法查該局長所陳困難情形誠恐不獨塞北一處須知徵收機關凡有稅款不准動撥係遵財政部通令儻有餉項先由內務部函商財政部核准後便可轉飭通融辦理等因到部查財政部通令各徵收機關係爲統一財政慎重稅款起見警察有保衛地方之責在事各員自必洞明公理值此財政困難之際務須約束所屬恪遵法令共濟時艱爲此通令各該省民政長希即飭屬一體遵照以衛公安而保名譽此令等因奉此除通令遵照外相應函達貴廳請煩遵照此致
國稅廳籌備處

專件

湖南省三年度地方預算參考書式 續

歲入經常門

縣地方收入

| 科 | 目 | 預算年度 | | 比增 | 減較 | 備 | 考 |
|------------|---|------|-----|----|----|---|---|
| | | 三年度 | 二年度 | | | | |
| 以下款項目節照前類推 | | | | | | | |
| 縣地方收入合計 | | | | | | | |
| 鎮鄉地方收入 | | | | | | | |
| 第一款 | | | | | | | |
| 第一項 | | | | | | | |
| 第一目 | | | | | | | |
| 第一節 | | | | | | | |
| 第二節 | | | | | | | |
| 以下款項目節照前類推 | | | | | | | |
| 鎮鄉地方收入合計 | | | | | | | |
| 歲入經常門合計 | | | | | | | |

歲入臨時門

縣地方收入

第一款

第一項

第一目

第一節

縣地方收入合計

鎮鄉地方收入

第一款

第一項

第一目

第一節

鎮鄉地方收入合計

歲入臨時門合計

歲入數總計

歲出經常門

未完